

Nuusbrief 7/2018

Lees in die Kerkbode van 20 April:



Lees en kyk foto's van die onlangse #imagine-feeste by Bredasdorp, Jeffreysbaai, Bothaville en Bela-bela.

Daar is nuus oor die Andrew-Murray-, Cordis Trust en ander pryse.

Twee jong dominees vertel van positiewe belewenisse wat hulle onlangs gehad het.

Ds Nelis Janse van Rensburg skryf oor die kerk en evangelisasie, Henco van der Westhuizen oor hoe Luther se denke 'n mens God laat leer ken en dr Frits Gaum se artikel oor die Nederlandse Geloofsbelijdenis.

Daar is nuus uit die Wes-Kaap oor hoe die kerk op rampe moet reageer, oor die kerk en diskriminasie teen vroue en oor hulpmiddels vir gesprekke oor seksualiteit.

Lees ook in die kunsubriek oor 'n skildery van Christus in die agterbuurt.

Jongste Bybelkor-publikasies:

Gee-vreugde - Dave Viljoen (predikant: NG Gemeente Kenridge)

Ontdek die waarde van ligter leef: Stefanus was vol van die Heilige Gees. Hy was selfloos en hy was vreesloos. Hy was leeg van homself en hy was vol van Jesus. Ons kan dieselfde oor Paulus sê.

Deur met verloop van agt weke saam met Stefanus en Paulus te reis, raak ons bewus van 'n paar teenstrydighede waarmee almal stoei. Soos dat dit minder hoop en vreugde bring om bymekaar te maak en op te gaan as om blymoedig weg te gee; om jouself te handhaaf en onkreukbaar voor te kom, is baie minder menslik as om gebroke, uitgelewer en leeg van jouself te wees.

Hierdie leesreis gaan dan uiteindelik oor geloof in Jesus Christus. En Stefanus en Paulus se lewe bied aan ons vele skakerings van kleure wat 'n deeltjie van die mosaïek van Jesus se Koninkryk vir ons inkleur.

Prys: **R 90,79** (BTW en posgeld in RSA ingesluit) - **beskikbaar einde April.**



Ook in ons winkel:

'n Gelukkige kind - Pieter van Jaarsveld



Bemagtig jou kind om positief te dink: Jou kind word nie met 'n handboek gebore nie en jy kry geen opleiding of kwalifikasies in kindgrootmaak nie. Dalk weet jy net jy wil nie jou kinders grootmaak soos jou ouers jou grootgemaak het nie, maar jy is ook nie seker wat die beste manier sal wees nie. Baie ouers weet nie hoe belangrik hulle woorde en gedrag vir 'n kind se breinontwikkeling is nie. Hulle besef nie dat ons vandag met ons kennis van neurowetenskap, verstandelike intelligensie en emosionele intelligensie, ons kinders kan grootmaak om wonderlike, gelukkige en positiewe mense te wees nie.

Pieter van Jaarsveld, 'n kenner op die gebied van emosionele intelligensie en positiewe denke, begelei jou deur goed begronde navorsing om jou kind se brein te verstaan en om jou kind se brein van vroeg af reg te



Jou 2018-Bediensvennoot

bedraad met oefeninge en speletjies sodat jou kind 'n gelukkige, gebalanseerde en florerende grootmens kan word. Hy behandel ook belangrike kwessies soos hoe om empatie te ontwikkel en hoe om dissipline aan te pak

Die skrywer werk plaaslik en internasionaal as konsultant vir leierskapontwikkeling in die sakewêreld. Hy het twee meestersgrade (in Sielkunde en Teologie) en 'n doktorsgraad oor die selfdunk en eiewaarde van mense. Hy is 'n bekende gas op radio- en televisieprogramme.

Prys: **R 226,98** (BTW en posgeld in RSA ingesluit). **Reeds beskikbaar.**

Opwindende nuus van Bybel-Media musiek: Bybel-Media, in samewerking met die NG Sinode van die Wes-Kaap, nooi gemeentes uit om deel te word van die begin van 'n nuwe tradisie van massasangbyeenkomste wat op 8 September 2018 begin.

Die eerste jaarlikse "Dis Tyd om te Sing"-massakoorsaamtrek van die NG Kerk, sal op 8 September 2018 om 19:00 plaasvind in die Kaapstadse Stadsaal onder begeleiding van die Kaapstadse Filharmoniese Orkes, 'n kontemporêre orkes en 'n pyporrel. 'n Massakoor van meer as 500 sangers (kore en sanggroepe van minstens 20 plaaslike gemeentes, sowel as genooide kore) en meer as 1 000 gehoorlede, sal van die bekendste en mooiste liedere uit ons kerk se liedereskat saamsing.

"Dit beloof om die hoogtepunt van 2018 te word". Volgens ds Leon Venter, Besturende Direkteur van Bybel-Media en die projekbestuurder, neem lede van die massakoor gratis deel. Daar is geleentheid vir 20 deelnemende gemeentes om elk 'n koorgroep van 20 lede saam te stel en voor te berei om aan die massakoor deel te neem. Deelnemende gemeentes sal elk 40 kaartjies kry om teen R200 per kaartjie aan gemeentelêde te verkoop.

Gemeentes wat aan die "Dis Tyd om te Sing"-projek wil deelneem, **moet voor 17 Mei 2018 inskryf**. Kontak ds Faani Engelbrecht by 083 856 1951, of musiek@bmedia.co.za vir meer besonderhede, of 'n inskrywingsvorm. Vir 'n voorsmakie van wat beplan word, klik op hierdie skakel:

<https://www.youtube.com/watch?v=Ofp6rdAgRrY>

Inligting, Navrae en Diensverskaffing:

- Skakel 0860 26 33 42 óf 021 864 8210
- Of stuur jou bestelling per e-pos na: bestel@bmedia.co.za
- Of koop met jou kredietkaart op die webtuiste: www.bybelmedia.org.za, klik dan op winkel, óf tik die produknaam in.

Strydom Bruwer

Bybel-Media

E-pos: strydom@bmedia.co.za

Tel: 021 864 8223